

**Bosna i Hercegovina  
Federacija Bosne i Hercegovine  
TUZLANSKI KANTON  
JU Disciplinski centar za maloljetnike**



**Bosnia and Herzegovina  
Federation of Bosnia and Herzegovina  
TUZLA CANTON  
JU Disciplinary center for juveniles**

**IZVJEŠTAJ O RADU JAVNE USTANOVE  
DISCIPLINSKI CENTAR ZA MALOLJETNIKE  
TUZLANSKOG KANTONA  
ZA PERIOD 01.07.-31.12.2009. godinu**

**Februar, 2010. godine**

Na temelju člana 11. Zakona o osnivanju Javne ustanove Disciplinski centar za maloljetnike Tuzlanskog kantona („Službene novine Tuzlanskog kantona“, broj: 5/09) i člana 32. Pravila Javne ustanove Disciplinski centar za maloljetnike Tuzlanskog kantona, Privremeni upravni odbor podnosi

## **IZVJEŠTAJ O RADU**

### **JAVNE USTANOVE DISCIPLINSKI CENTAR ZA MALOLJETNIKE TUZLANSKOG KANTONA ZA PERIOD 01.07. - 31.12.2009. GODINE**

#### **I – OSNIVANJE I POČETAK RADA JAVNE USTANOVE DISCIPLINSKI CENTAR ZA MALOLJETNIKE TUZLANSKOG KANTONA**

Javna ustanova Disciplinski centar za maloljetnike Tuzlanskog kantona je osnovana u skladu sa Zakonom o ustanovama („Službeni list RBiH“, br. 6/92, 8/93 i 13/94) i Zakonom o osnivanju Javne ustanove Disciplinski centar za maloljetnike Tuzlanskog kantona („Službene novine Tuzlanskog kantona“, broj: 5/09).

Vlada Tuzlanskog kantona je 25.06.2009. godine imenovala Privremeni upravni odbor i vršioca dužnosti direktora Disciplinskog centra za maloljetnike Tuzlanskog kantona (u daljem tekstu: Disciplinski centar). Dana 29.06.2009. godine održana je konstituirajuća sjednica Privremenog upravnog odbora na kojoj je donesena Odluka o početku rada vršioca dužnosti direktora koji je od 01.07.2009. godine počeo sa radom. Također je v.d. direktor upoznao Privremeni upravni odbor sa upoznao sa aktivnostima koje je potrebno provesti kako bi se izvršila registracija Disciplinskog centra u registru suda, što predstavlja preduslov za sve daljnje aktivnosti.

S time u vezi u prvoj polovici jula 2009. godine v.d. direktor Disciplinskog centra je pripremio tekst prijedloga Pravila Disciplinskog centra koji je nakon usaglašavanja sa članovima Privremenog upravnog odbora u skladu sa Zakonom o osnivanju dostavljen Ministarstvu pravosuđa i uprave Tuzlanskog kantona i Ministarstvu za rad i socijalnu politiku Tuzlanskog kantona, s ciljem pribavljanja prethodne saglasnosti.

Nakon što je dobijena saglasnost od strane navedenih ministarstava, Privremeni upravni odbor je 30.07.2009. godine u notarskom uredu notara Škarica Jadranke održao svoju 1. redovnu sjednicu na kojoj su usvojena Pravila Disciplinskog centra.

Uz ostalu potrebnu dokumentaciju, koja je pripremljena u navedenom periodu, 31.07.2009. godine podnesena je prijava općinskom sudu u Tuzli za registraciju Disciplinskog centra u registru suda. Postupajući po prijavi sud donosi zaključak kojim kao potrebnu dokumentaciju za registraciju traži Odluku osnivača o visini kapitala i dokaz o izvršenoj uplati na privremeni račun novčanog pologa. Uz angažman Ministarstva pravosuđa i uprave Tuzlanskog kantona, Vlada Tuzlanskog kantona donosi Odluku o izdvajanju 2.000,00 KM na privremeni račun na ime osnivačkog kapitala Disciplinskog centra. Nakon dopune prijave, Općinski sud u Tuzli je donio Rješenje o registraciji Disciplinskog centra kojim se ova ustanova upisuje u sudski registar i stiče svojstvo pravne osobe. Nakon proteka roka od 8 dana za žalbu na navedeno rješenje, izvršena je prijava Poreznoj upravi za izdavanje Uvjerenja o poreznoj registraciji i Službi za statistiku za područje Tuzlanskog kantona za izdavanje Obavještenja o razvrstavanju pravnog lica prema djelatnosti.

Nakon dobivanja navedenih dokumenata pristupljeno je prijavi JU Disciplinski centar za maloljetnike TK i prijavi vršioca dužnosti direktora Disciplinskog centra u Federalni zavod za MIO/PIO.

## **II – IMENOVANJE, POČETAK RADA I ODRŽANE SJEDNICE PRIVREMENOG UPRAVNOG ODBORA JAVNE USTANOVE DISCIPLINSKI CENTAR ZA MALOLJETNIKE TUZLANSKOG KANTONA**

Vlada Tuzlanskog kantona je 25.06.2009. godine imenovala Privremeni upravni odbor Javne ustanove Disciplinski centar za maloljetnike Tuzlanskog kantona (u daljem tekstu: Disciplinski centar) u slijedećem sastavu:

1. Ahmetović Fedahija – predsjednik,
2. Čajić Mijo - član,
3. Huremović Benjamin – član.

Dana 29.06.2009. godine održana je konstituirajuća sjednica Privremenog upravnog odbora na kojoj je Privremeni upravni odbor počeo sa radom.

Privremeni upravni odbor Disciplinskog centra je u periodu od 01.07.-31.12.2009. godine održao konstituirajuću i 9 redovnih sjednica i to:

- Konstituirajuća sjednica održana 29.06.2009. godine,
- 1. redovna sjednica održana 30.07.2009. godine,
- 2. redovna sjednica održana 13.08.2009. godine,
- 3. redovna sjednica održana 26.08.2009. godine,
- 4. redovna sjednica održana 28.09.2009. godine,
- 5. redovna sjednica održana 07.10.2009. godine,
- 6. redovna sjednica održana 26.10.2009. godine,
- 7. redovna sjednica održana 26.11.2009. godine,
- 8. redovna sjednica održana 01.12.2009. godine i
- 9. redovna sjednica održana 24.12.2009. godine.

## **III SMJEŠTAJ, REKONSTRUKCIJA I OPREMANJE DISCIPLINSKOG CENTRA**

### **- SMJEŠTAJ I REKONSTRUKCIJA**

U periodu osnivanja i registracije Disciplinskog centra za maloljetnike, vršiocu dužnosti direktora je na raspolaganje stavljena kancelarija u Ministarstvu pravosuđa i uprave Tuzlanskog kantona, tako da su sve aktivnosti vezane za Disciplinski centar obavljane u u okviru prostorija stavljenih na raspolaganje od navedenog ministarstva.

Dana 24.07.2009. godine potpisan ugovor između Vlade Tuzlanskog kantona i općine Tuzla, prema kojem se za potrebe Disciplinskog centra na korištenje ustupa 3. sprat Đačkog doma Enver Šiljak ukupne površine cca. 650 m2 sa 24 prostorije, kuhinjom i dva mokra čvora.

Nakon toga je imenovana Komisija za primopredaju navedenog prostora koju su činili po jedan predstavnik Vlade Tuzlanskog kantona, Općine Tuzla, Centra za socijalni rad Tuzla kao prethodnog korisnika i Disciplinskog centra kao budućeg korisnika.

Prilikom primopredaje predmetnog prostora koja je obavljena 14.08.2009. godine, komisija je u zapisniku o primopredaji konstatovala da se prostor nalazi u dosta lošem stanju te da su za rekonstrukciju objekta potrebna veća finansijska sredstva.

Kako bi se izvršila stručna procjena o potrebnim radovima za stvaranje uslova za obavljanje aktivnosti Disciplinskog centra, v.d. direktor je angažovao stručna lica koja su izvršila predmjer potrebnih radova i projekciju troškova za cjelovitu rekonstrukciju. Predmjer je pokazao da su potrebna sredstva u iznosu od oko 120.000,00 KM (stotinu dvadeset hiljada KM) kako bi se izvršili potrebni limarski radovi na krovu, podopolagački, građevinski, vodoinstalaterski, molerski i elektro radovi, čime bi se stvorili uslovi za stavljanje u funkciju cjelokupnog prostora dobivenog za potrebe Disciplinskog centra.

Posjetama Disciplinskom centru za maloljetnike u Sarajevu i Centru za socijalni rad u Zenici, kao i uvidom u kriterije propisane opštim aktima koji propisuju standarde za smještaj maloljetnika u ustanovama ovog tipa, izvršena je procjena sredstava potrebnih za opremanje Disciplinskog centra. Tako je dodatnih 150.000,00 KM (stotinu pedeset hiljada KM) potrebno za opremanje Disciplinskog centra, odnosno za nabavku namještaja, sigurnosne opreme, kompjuterske opreme, opreme za radno-okupacione, edukacione i druge aktivnosti i nabavku jednog putničkog vozila.

S obzirom na raspoloživa sredstva namjenjena za kapitalna ulaganja u 2009. godini obavješteni smo od Ministarstva pravosuđa i uprave Tuzlanskog kantona da su maksimalni iznosi koje je moguće obezbjediti iz Budžeta TK u 2009. godini, 18.300,00 KM za rekonstrukciju i 20.500,00 KM za opremanje dijela Disciplinskog centra.

Uzimajući u obzir navedenu činjenicu, Disciplinski centar se preko Ministarstva pravosuđa i uprave TK obratio za navedene iznose kako bi se izvršila rekonstrukcija i opremanje dijela ustupljenog objekta, odnosno 7 prostorija i 2 kupatila, te nabavka namještaja, kompjuterske opreme, kuhinjskih aparata, telefonske centrale i ostale potrebne opreme.

S obzirom da Disciplinski centar osim v.d. direktora nije imao ostalih zaposlenika, Privremeni upravni odbor je u skladu sa Zakonom o javnim nabavkama donio odluku o prenošenju ovlaštenja za provođenje procedura javnih nabavki u 2009. godini za potrebe Disciplinskog centra na Ministarstvo pravosuđa i uprave TK.

Po postupku konkurentskog zahtjeva sa objavom obavještenja provedena je procedura javne nabavke materijala i usluga za rekonstrukciju dijela objekta i javne nabavke materijala i usluga za moleraj navedenih prostorija. Na javni poziv javilo se 9 ponuđača, a sa grupom ponuđača „SILVER“ d.o.o. i O.D. „BAROK“ iz Tuzle kao najpovoljnijim ponuđačima u obje nabavke sklopljeni su ugovori o nabavci materijala i usluga.

Osim toga angažovana je firma "Invest-projekt" d.o.o. Živinice za obavljanje poslova stručnog nadzora nad izvođenjem radova.

Izvođač je radove uradio u roku, obimu i kvalitetu predviđenom ugovorom i ponudom. To je i potvrđeno pismenim izvještajem o stručnom nadzoru koji je podnijela firma "Invest-projekt" d.o.o. Živinice.

## **- OPREMANJE**

Po postupku konkurentskog zahtjeva bez objave obavještenja provedene su nabavke kancelarijskog materijala, sitnog inventara, materijala za čišćenje, namještaja, kompjuterske opreme, telefonske centrale, fotokopir aparata i nabavka ostale opreme, gdje su upućeni su zahtjevi za dostavu ponuda na adrese više ponuđača.

Opremljena je jedna prostorija sa velikim konferencijskim stolom i pripadajućim namještajem, za potrebe učionice i prostorije za grupni rad sa maloljetnicima. Osim toga ova prostorija će se koristiti i za sastanke zaposlenih u Disciplinskom centru.

Opremljene su također 3 kancelarije u kojima će u biti smješteni zaposlenici sa 6 stolova, 6 daktilo stolica, 3 ormara, 3 kasete sa ladicama i 10 drvenih polica. Nabavljena su 4 računara, 3 štampača, 1 fotokopir aparat, 1 telefonska centrala, 1 fax aparat.

Izvršeno je opremanje kuhinje potrebnim električnim uređajima (el. šporet, hladnjak i mikrovalna pećnica).

U okviru sitnog inventara nabavljen je itison za kancelarije i trakaste zavjese za cjelokupan renovirani prostor.

#### **IV DONESENI OPĆI AKTI**

Disciplinski centar je u izvještajnom periodu donio Pravila, Pravilnik o unutrašnjoj organizaciji i sistematizaciji radnih mjesta, Poslovnik o radu Upravnog odbora, Pravilnik o plaćama, naknadama i drugim primanjima zaposlenika, Pravilnik o javnim nabavkama i Pravilnik o postupku direktnog sporazuma. Pored toga pripremljen je prijedlog Pravilnika o radu, ali se za njegovo usvajanje čeka početak rada ostalih zaposlenika i formiranje Vijeća zaposlenika.

##### **- PRAVILA**

U prvoj polovici jula 2009. godine v.d. direktor Disciplinskog centra je pripremio tekst prijedloga Pravila Disciplinskog centra koji je nakon usaglašavanja sa članovima Privremenog upravnog odbora u skladu sa Zakonom o osnivanju dostavljen Ministarstvu pravosuđa i uprave Tuzlanskog kantona i Ministarstvu za rad i socijalnu politiku Tuzlanskog kantona, s ciljem pribavljanja prethodne saglasnosti.

Nakon što je dobijena saglasnost od strane navedenih ministarstava, Privremeni upravni odbor je 30.07.2009. godine u notarskom uredu notara Škarica Jadranke održao svoju 1. redovnu sjednicu na kojoj su usvojena Pravila Disciplinskog centra.

##### **- PRAVILNIK O UNUTRAŠNJOJ ORGANIZACIJI I SISTEMATIZACIJI RADNIH MJESTA**

U avgustu mjesecu 2009. godine v.d. direktor Disciplinskog centra je pripremio tekst prijedloga Pravilnika o unutrašnjoj organizaciji i sistematizaciji radnih mjesta Disciplinskog centra koji je nakon usaglašavanja sa članovima Privremenog upravnog odbora u skladu sa Zakonom o osnivanju dostavljen Vladi Tuzlanskog kantona, s ciljem pribavljanja prethodne saglasnosti na tekst prijedloga Pravilnika.

Nakon što je dobijena saglasnost od strane Vlade Tuzlanskog kantona, Privremeni upravni odbor je 28.09.2009. godine na svojoj 4. redovnoj sjednici usvojio Pravilnik o unutrašnjoj organizaciji i sistematizaciji radnih mjesta Disciplinskog centra.

##### **- POSLOVNIK O RADU UPRAVNOG ODBORA**

Privremeni upravni odbor je 28.09.2009. godine na svojoj 4. redovnoj sjednici usvojio Poslovnik o radu Upravnog odbora Disciplinskog centra.

## **- PRAVILNIK O PLAĆAMA, NAKNADAMA I DRUGIM PRIMANJIMA ZAPOSLENIKA**

U avgustu mjesecu 2009. godine v.d. direktor Disciplinskog centra je pripremio tekst prijedloga Pravilnika o plaćama, naknadama i drugim primanjima zaposlenika Disciplinskog centra sa kojim je na svojoj 3. redovnoj sjednici održanoj dana 26.08.2009. godine upoznat Privremeni upravni odbor.

Nakon što uvrštavanja svojih prijedloga, Privremeni upravni odbor je 28.09.2009. godine na svojoj 4. redovnoj sjednici usvojio Pravilnik o plaćama, naknadama i drugim primanjima zaposlenika Disciplinskog centra.

## **- PRAVILNIK O JAVNIM NABAVKAMA**

U septembru mjesecu 2009. godine v.d. direktor Disciplinskog centra je pripremio tekst prijedloga Pravilnika o javnim nabavkama Disciplinskog centra o kojem je na svojoj 4. redovnoj sjednici održanoj dana 28.09.2009. godine raspravljao Privremeni upravni odbor.

Nakon što uvrštavanja svojih prijedloga, Privremeni upravni odbor je 28.09.2009. godine na svojoj 4. redovnoj sjednici usvojio Pravilnik o javnim nabavkama Disciplinskog centra.

## **- PRAVILNIK O POSTUPKU DIREKTOG SPORAZUMA**

U septembru mjesecu 2009. godine v.d. direktor Disciplinskog centra je pripremio tekst prijedloga Pravilnika o postupku direktnog sporazuma Disciplinskog centra o kojem je na svojoj 4. redovnoj sjednici održanoj dana 28.09.2009. godine raspravljao Privremeni upravni odbor.

Nakon što uvrštavanja svojih prijedloga, Privremeni upravni odbor je 28.09.2009. godine na svojoj 4. redovnoj sjednici usvojio Pravilnik o postupku direktnog sporazuma Disciplinskog centra.

## **V - IZBOR I IMENOVANJE DIREKTORA**

Privremeni upravni odbor Javne ustanove Disciplinski centar za maloljetnike TK na svojoj 6. redovnoj sjednici odražanoj 26.10.2009. godine donio je Odluku broj: 01-34-17/09 kojom raspisuje Konkurs za izbor i imenovanje direktora Javne ustanove Disciplinski centar za maloljetnike Tuzlanskog kantona (u daljem tekstu Disciplinski centar).

Navedeni Konkurs je objavljen u Službenim novinama FBiH i dnevnom listu Oslobođenje dana 04.11.2009. godine.

Privremeni upravni odbor Disciplinskog centra je također na svojoj 6. redovnoj sjednici odražanoj 26.10.2009. godine donio Rješenje o imenovanju komisije za provođenje javnog konkursa za izbor i imenovanje direktora JU Disciplinski centar za maloljetnike TK, kojim je imenovana navedena Komisija u sljedećem sastavu:

1. Bajrić Ruzmira, dipl.pravnik – predsjednik
2. Iljkić Anto, dipl.pravnik - član
3. Imširović Hajrudin, dipl.pravnik – član
4. Bijedić Meliha, mr.sci. socijalni pedagog – član
5. Karić Nijaz, dr.sci. socijalni radnik- član.

Po objavljenom i zaključenom konkursu za izbor i imenovanje direktora Disciplinskog centra Komisija je provela propisane radnje i nakon dva održana sastanka dostavila Izvještaj o svome radu sa

zapisnicima sa 1. i 2. sastanka i predloženom Rang listom sa najboljim kandidatima za izbor i imenovanje na ovu poziciju Privremenom upravnom odboru na razmatranje i dalje postupanje.

Privremeni upravni odbor je na svojoj 8. redovnoj sjednici održanoj dana 01.12.2009. godine, razmatrao Izvještaj Komisije za provođenje javnog konkursa za izbor i imenovanje direktora Disciplinskog centra, koji je jednoglasno usvojen.

S obzirom da se na Konkurs za izbor i imenovanje direktora Javne ustanove Disciplinski centar za maloljetnike Tuzlanskog kantona prijavio samo jedan kandidat Mirza Dževdetbegović, diplomirani pravnik i da navedeni kandidat ispunjava sve uslove, Komisija je nakon obavljenog intervjua sa kandidatom predložila imenovanje Mirze Dževdetbegovića za direktora Disciplinskog centra.

Privremeni upravni odbor je na osnovu dostavljenog izvještaja Komisije i utvrđene rang liste, utvrdio Prijedlog odluke o imenovanju direktora Javne ustanove Disciplinski centar za maloljetnike Tuzlanskog kantona, kojom se Mirza Dževdetbegović imenuje za direktora i koji je 02.12.2009. godine dostavljen Vladi Tuzlanskog kantona radi dobijanja saglasnosti.

Nakon što je Vlada Tuzlanskog kantona na svojoj sjednici održanoj 28.12.2009. godine donijela Odluku o davanju saglasnosti na prijedlog ove Odluke, Privremeni upravni odbor je na svojoj 10. redovnoj sjednici održanoj 05.01.2010. godine donio Odluku o imenovanju direktora Javne ustanove Disciplinski centar za maloljetnike Tuzlanskog kantona, kojom se Mirza Dževdetbegović imenuje za direktora Disciplinskog centra.

## **VI – AKTIVNOSTI NA POPUNJAVANJU RADNIH MJESTA**

Uporedo sa provođenjem proceduri Javnih nabavki roba i usluga za renoviranje I oprema Disciplinskog centra, Disciplinski centar je 19.11.2009. godine uputio Vladi Tuzlanskog kantona Zahtjev za davanje saglasnosti za prijem 9 zaposlenika koji su predviđeni Pravilnikom o unutrašnjoj organizaciji i sistematizaciji radnih mjesta, i za koja u budžetu postoje predviđena sredstva.

Vlada Tuzlanskog kantona je na sjednici održanoj dana 18.12.2009. godine donijela Odluku o davanju saglasnosti na prijem 6 zaposlenika.

Nakon toga pripremljen je tekst Oglasa za popunu 6 radnih mjesta koji će biti objavljen u prvoj polovici januara 2010. godine.

## **VII - ODNOS DISCIPLINSKOG CENTRA PREMA MINISTARSTVIMA U SASTAVU VLADE TUZLANSKOG KANTONA**

U vršenju svojih nadležnosti Disciplinski centar usko saraduje i razmjenjuje informacije sa Ministarstvom pravosuđa i uprave Tuzlanskog kantona i Ministarstvom za rad i socijalnu politiku Tuzlanskog kantona. Sa predstavnicima navedenih ministarstava je održan veći broj sastanaka.

Posebnu podršku od osnivanja Disciplinski centar dobija od Ministarstva pravosuđa i uprave Tuzlanskog kantona, u smislu smještaja kancelarije i svih drugih vidova podrške, kako u vidu angažmana zaposlenih u Ministarstvu, tako i stavljanjem na raspolaganje sredstava za rad i potrošnog materijala.

Ostvarena je saradnja i sa Ministarstvom unutrašnjih poslova Tuzlanskog kantona, a naročito sa Odjeljenjem za maloljetnike sa kojim su dogovorene zajedničke aktivnosti s ciljem prevencije maloljetničke delikvencije u školama.

## **VIII - SARADNJA DISCIPLINSKOG CENTRA SA USTANOVAMA OVOG TIPA U BIH I ZEMLJAMA OKRUŽENJA**

Od samog početka uspostavljena je saradnja sa KJU Disciplinski centar za maloljetnike Sarajevo, kako bi se primjenom njihovih iskustava pokušale izbjeći greške i put kojim su oni morali proći.

Iskustva i kontakti sa Disciplinskim centrom Sarajevo bili su od velike koristi prilikom određivanja koji će se radovi u okviru rekonstrukcije izvesti, koja oprema je potrebna za otpočinjanje sa radom kao i koji oblik unutrašnje organizacije i sistematizacije radnih mjesta je najbolji s obzirom na raspoloživa sredstva. U saradnji sa Disciplinskim centrom u Sarajevu obezbjeđena je besplatna edukacija za novouposlene radnike.

Osim toga ostvarena je saradnja sa Centrom za socijalni rad u Zenici, sa kojima je također dogovorena edukacija za novouposlene radnike.

Izvršena je posjeta Centru za odgoj djece i mladeži u Osijeku i Disciplinskom centru u Varaždinu, radi upoznavanja sa radom navedenih ustanova budući da je Hrvatska pozitivan primjer u primjeni odgojnih mjera. Od navedenih ustanova obećana je pomoć u uspostavljanju Disciplinskog centra i edukaciji kadrova.

## **IX - SARADNJA DISCIPLINSKOG CENTRA SA NEVLADINIM SEKTOROM**

Kao veoma bitnoj stvari, poklanja se pažnja saradnji sa nevladinim sektorom. Uspostavljena je saradnja sa Biroom za ljudska prava iz Tuzle, koji su od samih početaka uključeni u uspostavljanje Disciplinskog centra. Dogovoreno je učešće Disciplinskog centra na okruglom stolu s ciljem rasprave nacrtu Zakona o zaštiti i postupanju sa djecom i maloljetnicima u krivičnom postupku.

Razmatraju se mogućnosti saradnje na implementaciji projekata.

## **X – UČEŠĆE U RADNIM TIJELIMA**

Disciplinski centar je član Radne grupe za Institucionalni tretman maloljetnika koja se pri Koordinacionom tijelu za praćenje Strategije za borbu protiv maloljetničkog prijestupništva čiji su zadaci:

- iniciranje i koordinacija aktivnosti s predstavnicima nadležnih institucija države, entiteta i Brčko Distrikta BiH, s ciljem provedbe, nadzora i izvještavanja o realizaciji strateškog dokumenta;
- osiguranje i mobilizacija neophodnih resursa, tamo gdje je to nužno, za provedbu predviđenih pet strateških aktivnosti;
- razmatranje prijedloga svih nosioca aktivnosti na implementaciji strateškog dokumenta, za potrebe kontinuiranog praćenja donesenih zaključaka, preporuka i zahtjeva za informacijama od strane Koordinacionog tijela;
- prikupljanje i obrada podataka na temelju provedbe strateških aktivnosti i izrada baze podataka maloljetnih počinitelja krivičnih djela za potrebe Koordinacionog tijela;
- informisanje javnosti o prednostima i aktivnostima preduzetim na provedbi Strategije;
- izvještavanje Vijeća ministara BiH o napretku u ostvarenju ciljeva utvrđenih Strategijom protiv maloljetničkog prestupništva.

Vršioc dužnosti direktora je prisustvovao sastanku Radne grupe održanom u Fojnici 21. i 22. decembra 2009. godine.

**XI - FINANSIJSKI IZVJEŠTAJ O RADU JAVNE USTANOVE DISCIPLINSKI CENTAR ZA MALOLJETNIKE TUZLANSKOG KANTONA ZA PERIOD 01.07.-31.12.2009. GODINE**

<b>UKUPNO UTROŠENA SREDSTVA</b>	<b>92.101,28 KM</b>
611100 – Bruto plaće i troškovi zaposlenih	16.377,47 KM
611200 – Naknada troškova zaposlenih	1.077,55 KM
612100 – Doprinosi poslodavca	1.719,65 KM
613100 – Putni troškovi	913,12 KM
613200 – Izdaci za energiju	8.651,19 KM
613300 – Izdaci za komunalne usluge	60,72 KM
613400 – Nabavka materijala	12.806,67 KM
613700 – Izdaci za tekuće održavanje	3.066,57 KM
613900 – Ugovorene i druge usluge	9.493,91 KM
821300 – Nabavka opreme	20.169,61 KM
821600 – Rekonstrukcija i investiciono održavanje	17.764,86 KM

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**JU DISCIPLINSKI CENTAR ZA**  
**MALOLJETNIKE TUZLANSKOG KANTONA**

**PREDSJEDNIK**  
**PRIVREMENOG UPRAVNOG ODBORA**

*Fedahija Ahmetović*

**Broj:01- /10**  
**Tuzla, 18.02.2010. godine**